



Organizacioni odbor za pripremu i realizaciju Programa obilježavanja Dana Grada Sarajeva u 2019. godini

Broj: 04-GV-05-391/19

Datum: 19.03.2019. godine

ZAPISNIK O RADU DRUGE SJEDNICE
ORGANIZACIONOG ODBORA ZA PRIPREMU I REALIZACIJU PROGRAMA
OBILJEŽAVANJA DANA GRADA SARAJEVA U 2019. GODINI
ODRŽANE 19.03.2019. GODINE

Prisutni:

1. Dr. Igor Gavrić, predsjedavajući
2. Samir Fazlić, član
3. Srđan Srdić, član
4. Safet Krajišnik, član
5. Vedran Dodik, član
6. Mira Jurić, članica
7. Miro Lazović, član
8. Prof. Dr. Velija Katica

Odsutni: Abdulah Skaka, član, Milan Trivić, član, Ivica Šarić, član, Edina Gabela, članica, Bajro Biber, član, Sead Srna, član, Snežana Omukić, članica, Tea Mušić, članica

Iz Gradske službe za Gradsko vijeće sjednici prisustvovala:

- Dubravka Muminović- Klačnja, šef Odsjeka za kabinetske poslove
- Sanela Biber, stručni savjetnik za odnose sa javnošću

Sjednici prisustvovala Maja Hadžihalilović, rukovodilac Stručne službe Gradonačelnika Grada Sarajeva, Ensar Eminović, šef Odjeljenja za kabinetske i protokolarne poslove u Stručnoj službi Gradonačelnika Grada Sarajeva.

Predsjedavajući je pozdravio prisutne, otvorio sjednicu te utvrdio kvorum za punovažan rad i odlučivanje.

Bez rasprave, jednoglasno je usvojen Zapisnik o radu Prve sjednice Organizacionog odbora za pripremu i realizaciju Programa obilježavanja Dana Grada Sarajeva u 2019. godini.

Sjednica je počela s radom jednoglasnim usvajanjem sljedećeg **dnevnog reda**:

1. Praćenje realizacije zaključaka sa prethodnih sjednica Organizacionog odbora za pripremu i realizaciju Programa obilježavanja Dana Grada Sarajeva u 2019. godini
2. Informacija o izvršenoj nabavci produkcije, organizacije i realizacije Svečane sjednice Gradskog vijeća Grada Sarajeva
3. Razmatranje molbe MNK futsal „Željezničar“ za finansijsku podršku povodom održavanja Malonogometnog turnira povodom 6. aprila Dana Grada Sarajeva.
4. Tekuća pitanja



Ad 1)

Predstavnica Gradonačelnika je obavijestila članove Odbora da su usvojeni zaključci sa Konstituirajuće i Prve sjednice Organizacionog odbora u proceduri, izuzev zaključaka

- da se u Narodnom pozorištu, tokom obilježavanja Dana Grada Sarajeva, 04. i 05. aprila, organizuju adekvatni događaji (predstave, koncerti i sl.), za goste grada Sarajeva, odnosno,
- potrebno je da Gradonačelnik, odnosno nadležna služba, poduzme sve potrebne aktivnosti kako bi se izvršila rezervacija Narodnog pozorišta u Sarajevu u cilju organizovanja prigodanog programa (filharmonije ili nekog drugog prigodanog programa) i koktela, za goste Grada Sarajeva, 05. aprila u večernjim satima.
- da JP BHT1 direktno prenosi Svečanu sjednicu Gradskog vijeća Grada Sarajeva koja se planira održati 06.04.2019. godine u Vijećnici,
- da se svečana večera za goste Grada Sarajeva i dobitnike priznanja i nagrada održi u restoranu u Malom Muzeju BiH,

uz obrazloženje da se rezervacije za Narodno pozorište moraju uputiti godinu unaprijed, da će TV SA direktno prenositi Svečanu sjednicu Gradskog vijeća, a da pregovori sa JP BHT1 još uvijek traju, te da je planirano da se večera za goste Grada Sarajeva i dobitnike priznanja i nagrada održi u Vijećnici.

Potom je Ensar Eminović, šef Odjeljenja za kabinetske i protokolarne poslove u Stručnoj službi Gradonačelnika Grada Sarajeva, upoznao članove Odbora da će se 05.04.2019. godine u Sarajevu održati Samit gradonačelnika glavnih gradova jugoistočne Evrope, te da će Grad Sarajevo biti domaćin velikom broju gradonačelnika, među kojima su, između ostalih, svoj dolazak potvrdili gradonačelnici Beograda, Ljubljane, Skoplja, Tirane i Zagreba.

Ad 2)

Predstavnica Gradonačelnika je na sjednici uručila članovima Odbora Program obilježavanja 6. aprila Dana grada Sarajeva sa scenarijem. Dostavljeni dokument je u prilogu ovog zapisnika.

Predstavnica Gradonačelnika je prezentirala dostavljeni dokument.

Svečana sjednica Gradskog vijeća u povodu Dana Grada Sarajeva održat će se 06. aprila s početkom u 19.30. sati, uz umjetnički program po prijedlogu Gradonačelnika, a uz sljedeće obavezne elemente.

Generalni podaci:

- Mjesto događanja: Vijećnica
- Vrijeme događaja: subota, 06.04. 2019. godine u 19.30 sati
- Upućuju se pozivnice u skladu sa usaglašenom protokolarnom listom zvanica, (bez pozivnica za goste dobitnika)

Sudionici:

- Predsjedavajući Gradskog vijeća
- Gradonačelnik Grada Sarajeva
- Predsjedavajući Odbora za dodjelu „Šestoaprilske nagrade Grada Sarajeva“ u 2019. godini
- Dobitnici priznanja i Nagrade u 2019. godini
- Domaćin: Gradsko vijeće Grada Sarajeva

- Gosti: predstavnici Ureda visokog predstavnika međunarodne zajednice u BiH, predstavnici svih razina vlasti u BiH, predstavnici općina s područja Grada Sarajeva, diplomatski kor u BiH, istaknuti kulturni i javni radnici i prethodni dobitnici nagrade, gosti iz bratskih i prijateljskih gradova i drugi pozvani gosti, te akreditirani predstavnici sredstava javnog informiranja.

Sadržaj umjetničkog dijela sjednice - po prijedlogu Gradonačelnika

Osnovna ideja - po prijedlogu Gradonačelnika

Vizualni identitet događaja - po prijedlogu Gradonačelnika

Obavezan sadržaj:

- Himna BiH
- Voditeljica poziva Predsjedavajućeg koji se obraća u trajanju do 5 minuta
- Voditeljica poziva Gradonačelnika koji se obraća u povodu Dana grada Sarajeva u trajanju do 3 minute
- Voditeljica poziva predsjedavajućeg Odbora za dodjelu "Šestoaprijske nagrade Grada Sarajeva" koji predstavlja rad Odbora u 2019. godini
- Voditelj obrazlaže značaj nagrada i priznanja i poziva Gradonačelnika ili predsjedavajućeg Gradskog vijeća da uruči nagrade odnosno priznanja dobitnicima.
- Proglašenje i dodjela nagrada i priznanja u 2019. godini.
- Zatvaranje sjednice, zajednička fotografija (Predsjedavajući i zamjenice, gradski vijećnici, Gradonačelnik i zamjenici Gradonačelnika, članovi Odbora za dodjelu Nagrade u 2019. godini i dobitnici Priznanja i Nagrade) i poziv na večeru.

Tim za realizaciju određuje Gradonačelnik.

Uvjeti i sredstva:

- Produkcija, organizacija i realizacija umjetničkog obaveznog dijela Svečane sjednice osigurava Gradonačelnik.
- u promotivnim događajima sudjeluju Predsjedavajući Gradskog vijeća, Gradonačelnik i Predsjedavajući Odbora za dodjelu Nagrade u 2019. godini (PRESS konferencija)
- TV prijenos TVSA
- priprema plakete, diploma i finansijska sredstva za nagrade i priznanja organizira Gradonačelnik
- Priznanje i Nagrade uručuju Gradonačelnik ili Predsjedavajući Gradskog vijeća
- Gradonačelnik poziva dobitnike i goste Grada Sarajeva na večeru u Vijećnicu.

Rasprava je vođena oko prijedloga da se Svečana sjednica Gradskog vijeća Grada Sarajeva održi u sali Gradskog vijeća u Vijećnici.

Poslije rasprave, prijedloga i sugestija članova Odbora, te sažetka predsjedavajućeg Organizacioni Odbor je **zaključio** sljedeće:

1. Potrebno je da Gradonačelnik, odnosno nadležna služba, za sljedeću sjednicu Organizacionog odbora za pripremu i realizaciju Programa obilježavanja Dana Grada Sarajeva u 2019. godini koja će se održati 25.03.2019. godine u 14:00 sati, pripremi video prezentaciju Svečane sjednice po ponuđenom scenariju kako bi se članovi Odbora detaljnije upoznali i odredili o ponuđenom prijedlogu.

2. Potrebno je da Gradonačelnik, odnosno nadležna služba, dostavi protokolarnu listu zvanica na usaglašavanje, te da se pozivi za Svečanu sjednicu upute najkasnije do 25.03.2019. godine na adrese u skladu sa usklađenom protokolarnom listom zvanica, uz naznaku da će se lista moći i proširiti, u slučaju dodatnih opravdanih zahtjeva. Poziv potpisuje Predsjedavajući Gradskog vijeća, ali i Gradonačelnik kao organizator događaja.
3. Potrebno je da Gradonačelnik, odnosno nadležna služba, organizuje press konferenciju, najkasnije do 02.04.2019. godine na kojoj će se predstaviti program obilježavanja Dana Grada Sarajeva, sa osvrtom na Svečanu sjednicu Gradskog vijeća, te druge aktivnosti (najava press konferencije, najave Svečane sjednice, saopćenje za medije sa Svečane sjednice), te izrada potrebnih akreditacija za Svečanu sjednicu Gradskog vijeća.
4. Komunikaciju sa dobitnicima s ciljem pripreme za Svečanu sjednicu Gradskog vijeća vršit će Sanela Biber, stručni savjetnik za odnose sa javnošću Gradske službe za Gradsko vijeće, s tim da će komunikaciju sa dobitnicima Bruce Dickinson, Chris Smith, maestro Michelangelo Pistoletto, Mirjana Karanović, Krunoslav Cigoj i Ivo Štandeker vršiti Ensar Eminović, šef Odjeljenja za kabinetske i protokolarne poslove u Stručnoj službi Gradonačelnika Grada Sarajeva.

Ad 3)

Poslije rasprave i sažetka Predsjedavajućeg, jednoglasno je zaključeno kako slijedi.

1. U Program obilježavanja Dana Grada Sarajeva u 2019. godini uvrštava se molba MNK futsal „Željezničar“ za finansijsku podršku povodom održavanja Malonogometnog turnira povodom 6. aprila - Dana grada Sarajeva.

Ad 4)

Poslije rasprave i sažetka Predsjedavajućeg, jednoglasno je zaključeno kako slijedi.

1. Potrebno je da Gradonačelnik, odnosno nadležna služba, poduzme sve potrebne aktivnosti kako bi se izvršila rezervacija Narodnog pozorišta u Sarajevu za 2020. godinu, u cilju organizovanja prigodanog programa (filharmonije ili nekog drugog prigodanog programa) 04. i 05. aprila u večernjim satima, za goste Grada Sarajeva, povodom obilježavanja 06. aprila - Dana Grada Sarajeva.
2. Potrebno je da Ensar Eminović, šef Odjeljenja za kabinetske i protokolarne poslove u Stručnoj službi Gradonačelnika Grada Sarajeva, pripremi pismo za predsjedavajućeg Gradskog vijeća Grada Sarajeva, a koje će se uputi Stjepanu Mesiću, bivšem predsjedniku R Hrvatske, dobitniku priznanja “Počasni građanin Grada Sarajeva” kojim se poziva da prisustvuje Svečanoj sjednici Gradskog vijeća u povodu 6. aprila - Dana Grada Sarajeva, a radi uručenja Priznanja.
3. Potrebno je da Gradonačelnik, odnosno nadležna služba, dostavi za sljedeću sjednicu Organizacionog odbora Program obilježavanja 6. aprila- Dana Grada Sarajeva u 2019. godini dopunjen zaključcima sa predhodnih sjednica Odbora.

Sljedeća sjednica Organizacionog Odbora će se održati u ponedjeljak 25.03.2019. godine u 14:00 sati.

Zapisničar

Sanela Biber

PREDSJEDAVAJUĆI ODBORA

Dr.Igor Gavrić,s.r.

Program obilježavanja 6. Aprila Dana grada Sarajeva sa scenarijem

Organizacija eventa zamišljena je u Vijećnici sa početkom u 19.30. Naša primarna ideja bila je da objekat Vijećnice bude maksimalno iskorišten u funkcionalnom smislu, te da prisutnim gostima i dobitnicima uljepšamo noć različitostima kultura kojima svjedoči vrijeme u kojima je Sarajevo bilo i ostalo začajan centar u svim historijskim previranjima. Budući da je sama dodjela priznajna jedan obavezujući čin, smatramo da bi ta posebnost trebala biti izdvojena načinom pozicioniranja važnosti u sali Gradskog Vijeća, na mjestu iz kojeg izlaze najznačajniji zaključci vezani za naš grad. Prisustvo u tom prostoru ističe vrijednosti rada gradskih vijećnika koji su pomno promišljali kada su donosili odluke.

Isti ambijent omogućava da široj javnosti, obzirom na direktan prenos TVSA i otvoren signal (još smo u pregovorima za prenos putem BHT-om), skrenemo pažnju na važnost rada gradskih vijećnika i gradonačelnika, te sistema i načina organizacije što u ovom momentu procjenjujemo kao jedan nedostatak, jer ukupna sistematizacija nagrada i način donošenja odluka vezan je za ljude koji o tome odlučuju, a oni odluke donose upravo u tom prostoru. Sama činjenicama da taj ambijent već decenijama iznosi i kreira gradsku strukturu kao i važnosti za građane opet nas vraća u potrebu da komuniciramo u mjestu odakle izlaze mnogobrojne odluke od velike važnosti za grad i njegove stanovnike.

Nakon održane Akademije i prograšenja dobitnika, koja bi u formalnom smislu bila praćena scenarijem koji predviđa protokol dodjele nagrada, na samom početku planiramo intonirati himnu Bosne i Hercegovine, kratak uvod o principu dodjelu nagrada, potom bismo prešli na protoklalni dio biografija. Po završetku bismo pozvali sve dobitnike priznaja u hol Vijećnice gdje bismo prezentirali kulturni program.

Program podrazumjeva voditeljeske najave, te obrade poznatih pjesama koje čine stilski ali i literarni izraz ljudi koji žive u Sarajevu, pjesme koje bi prošle kroz određeni period djelovanja muzičkih pravaca. Tako bismo prvu numeru posvetili Sarajevo maršu, u izvedbi Vojnog orkestar Oružanih snaga Bosne i Hercegovine uz plesne korake baletnih igrača.

Potom bismo voditeljskim najavama usmjerili pažnju prisutnih na klasičnu muziku, sevdah te pop muziku koja datira na ovim prostorima kao muzika prepoznatljiva za građane glavnog grada države Bosne i Hercegovine. U okviru ovog djela programa pozicionirali bismo jednu sevdalinku, potom na muzički način posjetili bismo se ratnog perioda koji je preživio naš grad, te bismo za kraj uključili numeru koja najjasnije opisuje ljubav prema grad Sarajevu.

Sastavni dio manifestacije čine bi i rečenice koje su veliki pisci zabilježili o Sarajevu, a koje ostaju kao svjedočanstvo o način života građana ovog grada, njegove dugovječnosti i kvaliteta. Bilješke o vremenu na neki način bi inkorporirali u prostor svojevrsnim scenskim elementima, te ukupan izgled sale formirali scenski, na način koj prati arhitekstonsko rješenje Vijećnice, kako bi gosti i prisutni što bolje osjećali prostor u kojem smo prisutni.

Finalni dio naše večeri predviđa konzumaciju gastronomskih delacija, te bismo posebno izdvojili dva punkta kao podsjetnik austougarskog perioda kada je i izgrađen objekat u kojem se nalazimo, te drugi kutak - gastronomska ponuda grada koji obilježav 06. April 2019., dan grada Sarajeva.

Vrijeme: 19:30

Lokacija: Vijećnica

Voditeljica: Belma Salkunić

Performer: Igor Škvarica

Svečana akademija Gradskog vijeća Grada Sarajeva

Ulazak u dvoranu podrazumijeva lagano sviranje muzike, klasična djela bh. kompozitora i jasno u prostoru vidimo naznake rečenica značajnih književnika koji su govorili o Sarajevu. Posebnost Sarajeva uvijek ostavlja otvorenu mogućnost komunikacije i inspiracije da književnici pišu o ovom, po svemu sudeći, jedinstvenom gradu. Njihove odobrane misli izdajamo te pozicioniramo u prostoru, što ostavlja mogućnost daljnjeg promišljanja i novih doživljaja Sarajeva.

Voditeljica: Dobra večer, dobro došli na Svečanu sjednicu Gradskog vijeća povodom dodjele Šestoaprilske nagrade.

HIMNA

Voditeljica: Pozivam predsjedavajućeg Gradskog vijeća gospodina Igora Gavrića da se obrati prisutnima i zvanično otvori Svečanu sjednicu Gradskog vijeća Grada Sarajeva.

GOVOR IGOR GAVRIĆ – 5 min

Voditeljica: Zahvaljujem predsjedavajućem, a sada dozvolite da posebnu dobrodošlicu iskažemo gradonačelnicima i njihovim saradnicima koji su jučer u Sarajevu prisustvovali Prvom samitu gradonačelnika regiona, a danas sa nama obilježavaju dan našeg grada, grada Sarajeva.

Voditeljica: Sam naziv našeg grada uvijek iznova zahtijeva brojne analize. Grad koji nikada nikoga ne ostavlja ravnodušnim, pa su tako brojni stanovnici Sarajeva, pa i oni koji bi dolazili, uvijek osjećali potrebu da iskažu svoje emocije i ostave ih utkane u memoare.

Upravo u ovoj sali gradskog Vijeća ispinsane su mnogobrojne stranice koje su uticale na razvoj grada Sarajeva, još mnogo prije značajnog 06. aprila. Tome svjedoče mnogobrojni dokumenti koji Sarajevo vode kroz velika iskušenja, čine ga sretnim, bolnim, romantičnim, sportskih, muzičkim, kulturnim i na kraju ozbiljnim glavnim gradom Bosne i Hercegovine.

Mnogobrojni su govorili i pjevali u ovom gradu, ali uvijek i njegov najveći stvaralački odnos prema njemu imao je stanovnik ovog grada sa svojim ličnim utiscima i odnosom prema gradu. Cudna je to veza, u isto vrijeme neopisiva i beskrajno inspirativna. Takovo je Sarajevo, koje uvijek iznova inspiriše, podstiče, pogovotovo kada ga vode i o njemu odlučuju oni koji to znaju raditi.

Voditeljica: Sada pozivam gradonačelnika Sarajeva Abdulaha Skaku da nam se obrati.

GRADONAČELNIK GOVOR – 3 min

Voditeljica: Hvala vam, gradonačelniče. Kao što smo čuli u uvodnom govoru, Trebevička žičara slavi danas godinu dana od njene obnove, a mnogobrojni su projekti obilježili godinu koja je iza nas....

Počinjemo s dodjelama nagrada i priznanja.

Prva nagrada je nagrada Sarajevska pahuljica.

- Nagradu Sarajevska pahuljica za mlade dobio je

- Pozivamo zajedno obilježimo trenutak radosti.

(gradonačelnik dodjeljuje plaketu). Gradonačelniče, zamolit ću Vas da ostanete na sceni.

- Za iskazanu izuzetnu građansku hrabrost, solidarnost, humanost i altruizam nagradu „Graham Bamford“ dobija.....

- preuzima nagradu, odlazi sa scene.

- Za iskazanu izuzetnu građansku hrabrost, solidarnost, humanost i altruizam nagrada „Graham Bamford“ posthumno dodjeljuje se

-..... preuzima nagradu, odlazi sa scene.

- Plaketa Grada Sarajeva je priznanje koje se dodjeljuje građanima Bosne i Hercegovine, stranim državljanima, privrednim društvima, ustanovama, udruženjima građana i drugim pravnim osobama za doprinos razvoju Grada u oblastima privrede, kulture, zdravstva i drugim oblastima života i rada. Dobitnik Plakete Grada Sarajeva za doprinos razvoju grada u oblasti obrazovanja je.....

- preuzet će nagradu.

- preuzima nagradu, odlazi sa scene.

- Priznanje Plaketa Grada Sarajeva za razvoj grada u oblasti nauke i obrazovanja, nagrađeni je:.....

- preuzima nagradu, odlazi sa scene.

- Priznanje Plaketu Grada Sarajeva za doprinos razvoju grada u drugim oblastima života i rada dobija:.....

- ... preuzima nagradu, odlazi sa scene.

Voditeljica: Sada pozivam predsjedavajućeg Odbora za dodjelu Šestoaprijske nagrade, prof. dr. Veliju Katicu da nam predstavi rad Odbora za dodjelu Šestoaprijske nagrade Grada Sarajeva za 2019. godinu.

PREDSJEDAVAJUĆI ODBORA - govor 4 min

Voditeljica: Zahvaljujem se predsjedavajućem Odbora, a sada molim predsjedavajućeg Gradskog vijeća dr. Igora Gavrića da nam se pridruži na sceni i uruči nagrade.

Voditeljica: Nagradu iz oblasti: sport za 2019. godinu dobija:

VIDEO – 60 sec..

Voditeljica: Nagradu iz oblasti: sport za 2018. godinu dobija:

Nagradu preuzima potpredsjednik kluba....., čestitamo.

Govor nagrađenog– 2 min , odlazi sa scene

Voditeljica: Dobitnik Šestoaprilske nagrade u 2018. godini za doprinos u oblasti privrede dobija:

VIDEO – 60 sec

Voditeljica: Dobitnik nagrade za doprinos u oblasti privrede je....., čestitamo...

Nagradu preuzima direktor.

Govor nagrađenog – 2 min

VODITELJICA: Dobitnik Šestoaprilske nagrade u 2019. godini za doprinos u drugim oblastima rada i stvaralaštva je:

VIDEO - 60 sec

Voditeljica: Dobitnik Šestoaprilske nagrade u 2019. godini za doprinos u drugim oblastima rada i stvaralaštva je:.....

Nagradu preuzima:.....

..... preuzima nagradu.

Govor nagrađenog – 2 min, odlazi sa scene

Voditeljica: Dobitnik Šestoaprilske nagrade u 2019. godini za doprinos u zdravstvu i socijalnoj zaštiti dobija:

VIDEO - 60 sec

Voditeljica: Dobitnik Šestoaprilske nagrade u 2019. godini za doprinos u zdravstvu i socijalnoj zaštiti dobija:..... .

Govor nagrađenog – 2 min, odlazi sa scene

Voditeljica: Šestoaprilsku nagradu Grada Sarajeva u 2019. za doprinos iz oblasti kulture i umjetnosti dobija:

VIDEO -60 sec

Voditeljica: Dobitnik Šestoaprilске nagrade Grada Sarajeva u 2019. za doprinos iz oblasti kulture i umjetnost:.....

Govor nagrađenog – 2 min, odlazi sa scene

Voditeljica: Dobitnica Šestoaprilске nagrade Grada Sarajeva u 2018. iz oblasti nauke i obrazovanja je:

VIDEO – 60 sec

Voditeljica: Dobitnica Šestoaprilске nagrade Grada Sarajeva u 2018. iz oblasti nauke i obrazovanja je

Govor nagrađene – 2 min, zajedno sa nagrađenom odlazi i predsjedavajući sa scene

Voditeljica: Čestitamo svim dobitnicima Šestoaprilskih nagrada, plaketa i priznanja u 2018. godini. Sada molimo sve dobitnike priznajna da ovjekovječimo ovaj lijepi trenutak zajedno, molim vas da nam se pridružite...

Nakon fotografisanja, producenti usmjeravaju goste da siđu u aulu Vijećnice..

Voditelji: Pred nama je godina novih izazova, naučnih dostignuća, hrabrih djela i sportskih uspjeha. Godina kulture, kuturnih nastojanja, obrazovnih procesa, dragih gostiju, međunarodnih aktivnosti, godina koja treba iznjedruti nova dobra djela, koja će sljedeće godine u isto vrijeme biti nagrađena. Do tada, nastavljamo živjeti i voljeti grad Sarajevo, biti u njegovoj službi i dijeliti sve dobre i loše strane.

Kada se voditelji spuste na donju scenu, najavljuju «Sarajevo marš»

Dirigent je pozicioniran u sredini aule, a orkestar na balkonu. Sarajevo marsh plesnim korakom prate 4 para.

SARAJEVO MARŠ

Voditelji pozivaju Jasnu Diklić

Pjesma «Bašćaršijska»

Voditelji pozivaju Seada Kreševljakovića

Pjesma «Nebom stupa, nebom lupa...»

Obraćanje gradonačelnika.

SARAJEVO BIG BEND

«Sarajevo ljubavi moja» – glumački performans

Voditelji: I šta god da pomislite i želite izgovoriti o Sarajevu, premalo je. Nemoguće je dokučiti posljednju suštinu ovoga grada, jer ona uvijek ostavlja prostora za istraživače, za one koji vole ovaj grad, za one koji čeznu za ovim gradom, za one koje ovaj grad inspirše i koji ga uvijek nanovo istražuju.